



MAQASID SYARIAH DALAM PELANCONGAN ALAM SEKITAR

Muhamad Azri Bin Mokhtar, Mohd Nabil Bin Nasir, Muhamad Anas Bin Abd Rahman & Abdul Mutalib Bin Abdul Latif*

MuhdAnas1219@gmail.com

Fakulti Kontemporari Islam, Universiti Sultan Zainal Abidin
Institut Penyelidikan Produk dan Ketamadunan Islam (INSPIRE), Universiti Sultan Zainal Abidin

ABSTRAK

Alam sekitar merupakan satu anugerah daripada Allah S.W.T kepada penduduk muka bumi yang perlu dijaga dengan sebaiknya. Ia merangkumi elemen-elemen di sekeliling kehidupan seperti tanah, air, udara, iklim, bunyi, bau, rasa, tumbuhan, haiwan dan lain-lain. Semuanya adalah tanda kebesaran Allah S.W.T yang perlu disedari, dihayati dan dipelihara secara lestari. Hal ini amat nyata dapat dicerapi dalam kondisi bermusafir mahupun melancong kerana manusia akan lebih dekat untuk merasai kehadiran alam. Kertas kerja ini untuk menjelaskan Maqasid Shariah di sebalik galakan untuk bermusafir atau melancong yang bertujuan untuk menikmati keindahan alam sekitar. Kaedah penulisan ini adalah berdasarkan rujukan dan penelitian terhadap dokumen-dokumen dari pelbagai sumber seperti artikel, jurnal, buku, brosur dan kajian-kajian imperikal. Kajian mendapati agama Islam sangat menggalakkan aktiviti pelancongan terhadap alam sekitar supaya dapat melihat keindahan ciptaan Allah S.W.T. Antara matlamat utama pelancongan alam sekitar adalah untuk manusia lebih merasai kehadiran alam sebagai tanda kebesaran Penciptanya. Ini sekaligus akan memberi ketenangan dari sudut jiwa, akal dan rohani seseorang manusia. Kesimpulannya, pelancongan alam sekitar adalah sesuatu yang digalakkan syarak tetapi ia perlulah berlaku dengan tasawwur, objektif dan garis panduan yang sejajar dengan kehendak syarak.

Kata kunci: Melancong, Keindahan Alam Sekitar, Pelancongan Alam Sekitar, Maqasid Shariah.

1. PENGENALAN

Tidak boleh dinafikan bahawa peningkatan taraf hidup manusia di muka bumi ini perlukan aktiviti pembangunan. Walau bagaimanapun, pembangunan yang akan dilakukan bagi kemajuan taraf kehidupan perlu dirancang dengan teratur dan mengikut undang-undang yang telah ditetapkan bagi mengelakkan berlakunya kemusnahan terhadap alam sekitar¹.

¹ Norhibah Hasan Zawawi (1999), *Konsep Islam Terhadap Pemuliharaan Alam Sekitar*, Kuala Lumpur: Percetakan Nasional Malaysia Berhad.

Alam sekitar merupakan satu elemen penting yang perlu dijaga oleh setiap manusia kerana ia adalah satu tanggungjawab yang diberikan oleh Allah S.W.T kepada umatnya kerana dengan adanya alam sekitar setiap manusia dapat menikmati keindahan ciptanya Allah S.W.T. Bagi memastikan alam sekitar sentiasa terjaga setiap manusia, masyarakat mahupun kerajaan perlu memandang serius terhadap penjagaan alam sekitar

وَهُوَ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ وَكَانَ عَرْشُهُ عَلَى الْمَاءِ لِيَبْلُوكُمْ
أَيُّكُمْ أَحْسَنُ عَمَلًا وَلَئِن قُلْتِ إِنَّكُمْ مَبْعُوثُونَ مِنْ بَعْدِ الْمَوْتِ لَيَقُولَنَّ الَّذِينَ كَفَرُوا
إِنْ هَذَا إِلَّا سِحْرٌ مُّبِينٌ ۝

Maksudnya: Dan Dia lah yang menjadikan langit dan bumi dalam enam masa, sedang "ArasyNya, berada di atas air (Ia menjadikan semuanya itu untuk menguji kamu: siapakah di antara kamu yang lebih baik amalnya. Dan demi sesungguhnya! Jika engkau (wahai Muhammad) berkata: "Bahawa kamu akan dibangkitkan hidup kembali sesudah mati" tentulah orang-orang yang ingkar akan berkata: "Ini tidak lain hanyalah seperti sihir yang nyata (tipuannya)"²

Alam sekitar yang dijaga keindahannya seperti sungai, pantai, gunung, bukit bukau dan sebagainya juga boleh dijadikan sebagai tempat pelancongan bagi umat manusia di muka bumi ini. Dengan adanya keindahan alam umat Islam dapat melihat kekuasaan Allah S.W.T dalam mencipta alam semesta.

إِنَّ رَبَّكُمُ اللَّهُ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ ثُمَّ اسْتَوَىٰ عَلَى الْعَرْشِ
يُدَبِّرُ الْأَمْرَ ۗ مَا مِنْ شَفِيعٍ إِلَّا مِنْ بَعْدِ إِذْنِهِ ۗ ذَلِكُمْ اللَّهُ رَبُّكُمْ فَاعْبُدُوهُ ۗ أَفَلَا تَذَكَّرُونَ
۝

Maksudnya: Sesungguhnya Tuhan kamu ialah Allah yang menjadikan langit dan bumi dalam enam masa kemudian Ia bersemayam di atas Arasy mentadbirkan segala urusan. Tidak ada sesiapa pun yang dapat memberi syafaat melainkan sesudah diizinkanNya. (Yang bersifat demikian) itulah

² (Surah Al Hud, Ayat: 7)

Allah, Tuhan (yang memelihara dan mentadbirkan keadaan) kamu; maka tunduklah dan taatlah kamu kepada perintahNya; patutkah kamu – setelah mengetahui kenyataan yang tersebut tidak mahu mengingatiNya?³

Maqasid syariah terbahagi kepada lima bahagian iaitu memelihara agama, nyawa, akal, keturunan dan harta. Berkaitan dengan kajian yang telah dibuat berkenaan pelancongan alam sekitar, pengkaji akan mengkhususkan satu daripada lima cabang maqasid syariah iaitu memelihara harta, kerana alam sekitar merupakan satu aset penting di dalam sesebuah negara, ia merupakan harta yang perlu dijaga dan dipelihara dengan sebaik mungkin. Setiap manusia di muka bumi ini sebagai khalifah yang telah diamanahkan oleh Allah S.W.T dalam memelihara alam sekitar yang telah dianugerahkan kepada umat manusia. Sehubungan dengan itu, menjadi kewajipan kepada setiap manusia dalam memelihara alam semula jadi.

Industri pelancongan di Malaysia mempunyai potensi yang besar untuk kemajuan pada masa akan datang. Pada masa yang sama, industri pelancongan ini juga berpotensi menjadi salah satu medium untuk mempromosi Malaysia sebagai destinasi pelancongan bagi pelancong luar dan dalam negara.

2. OBJEKTIF KAJIAN

Kertas kerja ini bertujuan bagi menjelaskan Maqasid Syariah di sebalik galakan untuk bermusafir atau melancong yang bertujuan untuk menikmati keindahan alam sekitar. Kajian mendapati agama Islam sangat menggalakkan aktiviti pelancongan terhadap alam sekitar supaya dapat melihat keindahan ciptaan Allah S.W.T

3. METODOLOGI KAJIAN

Kajian ini menggunakan pendekatan kualitatif dengan reka bentuk kajian adalah kajian perpustakaan. pengkaji memilih untuk menggunakan kaedah kajian perpustakaan kerana pengkaji boleh menambah pengetahuan dan mendalam mengenai fokus kajian

³ (Surah Yunus: 3)

Kajian ini melibatkan pencarian bahan sekunder seperti buku, kertas kerja, jurnal, laporan tesis dan artikel-artikel berkaitan. Data sekunder ini digunakan untuk menyokong, menambah dan memperinci serta memperdalamkan pengetahuan penyelidik dari aspek teoritikal.

Data dikumpulkan dengan menggunakan 10 biji buku dan lima laman web yang berautoriti. Selain itu kaedah analisis dokumen dari sumber-sumber berautoriti seperti bahan bercetak contohnya artikel, jurnal, buku-buku ilmiah dan maklumat am seperti surat khabar dan brosur. Kaedah analisis dokumen melalui surat khabar juga digunakan untuk mengenalpasti isu-isu semasa yang berkaitan peancongan alam sekitar.

Data yang telah dikumpulkan akan dianalisis melalui kaedah perpustakaan bagi mencapai objektif kajian. Antaranya ialah data kajian buku, artikel yang diperolehi daripada analisis dokumen peancongan alam sekitar mengikut perspektif Islam.

4. DAPATAN KAJIAN

Islam mengalakkan aktiviti peancongan alam sekitar dan menyuruh untuk bermusafir dan melancong bagi manusia untuk mereka melihat keindahan alam ciptaan Allah S.W.T. Alam sekitar merupakan sesuatu yang penting kepada manusia dan juga kehidupan yang lain kerana ia merupakan tempat manusia mengabdikan diri kepada Allah S.W.T. Sebagaimana firman Allah S.W.T.:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ

Maksudnya: Dan (ingatlah) Aku tidak menciptakan jin dan manusia melainkan untuk mereka menyembah dan beribadat kepada-ku⁴

Alam sekitar yang dijaga keindahannya seperti sungai, pantai, gunung, bukit bukau dan sebagainya juga boleh dijadikan sebagai tempat peancongan bagi umat manusia di muka bumi ini. Dengan adanya keindahan alam umat Islam dapat melihat kekuasaan Allah S.W.T dalam mencipta alam semesta.

⁴ Surah Adz-Dzaariyaat, 56

Pengertian melancong yang diungkapkan oleh Islam mempunyai perspektif yang luas dan dapat dikatakan pengertiannya dengan pelbagai istilah. Kategori yang boleh disandarkan kepada pelancongan dalam Islam iaitu musafir, ziarah, rehlah, siyahah, serta umrah dan haji masing-masing merangkumi tujuan pelancongan seperti urusan perniagaan, menuntut ilmu, berdakwah, melihat kejadian alam, mendapat maklumat dan iktibar, kesihatan, rekreasi, silaturahmi dan berlindung daripada ancaman serta perubahan sikap mendapatkan keredhaan Allah.⁵ Semua istilah yang tersebut ada terdapat di dalam Al-Quran yang merupakan gesaan dan galakan kepada umatNya dan merupakan suatu ibadah di dalam Islam jika disertakan dengan niat yang betul.

Pelancongan juga merupakan suatu ibadah jika dilakukan dengan niat yang betul kerana Allah S.W.T. Terdapat banyak dalil al-Quran yang menceritakan tentang tuntutan dan galakan agar umat Islam melakukan perjalanan dan mengembara, sebagaimana firman Allah S.W.T.:

قُلْ سِيرُوا فِي الْأَرْضِ ثُمَّ أَنْظِرُوا كَيْفَ كَانَ عَاقِبَةُ الْمُكْذِبِينَ

Maksudnya: Katakanlah (Wahai Muhammad) “Mengembaralah kamu di muka bumi, kemudian perhatikanlah Bagaimana akibat buruk (yang menimpa) orang-orang yang mendustakan (rasul-rasul) itu”.⁶

Berdasarkan dalil tersebut, jelaslah bahawa Allah S.W.T menyuruh untuk mengembara melihat alam ini bagi melihat keagungan ciptaan Allah S.W.T untuk mengingatiNya dan mensyukuri nikmat Allah.

Dapat dibahagikan hak muslim di dalam Islam secara amnya kepada tiga bahagian iaitu hak *al-daruriyyat* iaitu keperluan manusia, hak *al-hajiyat* iaitu kepentingan manusia dan hak *al-tahsiniiyyat* iaitu keselesaan manusia. Manusia dan alam sekitar mempunyai hubungan yang rapat dalam sesebuah kehidupan. Manusia memerlukan kepada sumber di daratan dan lautan bagi menjalani kehidupan harian. Hubungkait ini menunjukkan bahawa manusia adalah sebahagian dari alam, cuma manusia diberi kelebihan tambahan

⁵ Hassan Bahrom, Mohammad Mahyuddin Khalid dan Mohd Ashrof Zaki Yaakob, 2010. Pelancongan dari Perspektif Islam Analisis Pendekatan Fiqh. Prosiding Hospitaliti dan pelancongan dalam Islam. Anjuran Universiti Teknologi mara Shah Alam

⁶ Surah al-An'am, 11

dengan dianugerahkan akal oleh Allah S.W.T. Dengan kesempurnaan dari segi fizikal dan rohani termasuklah akal fikiran, manusia diberi amanah untuk mengurus dan mentadbir alam mengikut sunnatullah sebagaimana firman Allah S.W.T yang bermaksud:

Sesungguhnya Allah telah menyatakan kepada para malaikat bahawa aku ingin jadikan manusia sebagai pentadbir untuk mengurus segala khazanah di atas muka bumi. Lalu para malaikat telah berkata kepada Allah tidakkah Engkau jadikan mereka dari kalangan golongan yang suka berpecah belah dan menumpahkan darah. Lalu Allah menjawab sesungguhnya aku tahu apa yang aku lakukan.

Justeru itu, manusia perlu memahami sifat mereka sebagai khalifah. Manusia diberikan amanah oleh Allah S.W.T untuk bertanggungjawab mengurus alam sekitar. Oleh itu, dengan amanah yang telah diberikan Allah S.W.T ini, manusia tidak boleh dengan sesuka hati menggunakan alam sekitar dan hendaklah menguruskan alam sekitar dengan sebaiknya mengikut aturan yang telah digariskan. Kejadian manusia di muka bumi berlandaskan dua peranan yang telah ditaklifkan oleh Allah kepada umat manusia iaitu tugas mengabdikan dan pengimaranan ⁷

i. Perspektif Maqasid

Dalam pengurusan pelancongan alam sekitar menepati maqasid dalam memelihara nyawa kerana kehidupan manusia tidak dapat berpisah daripada alam sekitar dan sangat bergantung kepada alam dan sumber-sumbernya demi kelangsungan hidup mereka. Tanpa alam dan sumber-sumbernya, manusia tidak akan dapat hidup kerana manusia memerlukan kepada alam seperti contoh sumber air. Jika sumber air tidak diurus dengan baik, sudah tentulah sumber air akan tercemar dan menyebabkan kemudaratan kepada manusia yang meminum sumber air yang tercemar. Oleh itu, amat penting untuk menguruskan alam sekitar dengan baik agar alam sekitar tidak dicemari dan dimusnahkan oleh tangan-tangan manusia.

⁷ Mohd Nor Mamat (2002), Prinsip dan Etika Islam dalam Pemuliharaan Alam Sekitar, Jurnal Tasawwur Islam Vol. 5

Seterusnya, alam sekitar merupakan aset kepada sesebuah negara, maka ia menjadi kewajipan kepada setiap individu, masyarakat mahupun negara bagi menjaga keindahan dan kelestarian alam sekitar kerana maqasid syariah menyeru supaya memelihara harta. Setiap manusia adalah khalifah di muka bumi maka menjadi tanggungjawab ke atas mereka untuk memelihara alam sekitar kerana ia merupakan amanah daripada Allah S.W.T. firman Allah S.W.T dalam surah ar-Rum yang berbunyi:

ظَهَرَ آلٌ فَسَادٌ فِي آلٍ بَرٍّ وَأَلٌ بَاحٍ رِّمَا كَسَبَتْ أَيُّ دِي النَّاسِ لِيُذِيقَهُمْ بَعَثَ الَّذِي
عَمِلُوا لَعَلَّهُمْ يَرْجِعُونَ ٤١

Maksudnya:Telah timbul perbagai kerosakan dan bala bencana di darat dan di laut dengan sebab apa yang telah dilakukan oleh tangan manusia, (timbulnya yang demikian) kerana Allah hendak merasakan mereka sebahagian dari balasan perbuatan-perbuatan buruk yang mereka telah lakukan, supaya mereka kembali(insaf dan bertaubat).⁸

Berdasarkan ayat quran di atas menjelaskan bahawa akan berlakunya kerosakan terhadap alam sekitar disebabkan oleh tangan manusia yang tidak bertanggungjawab. Sehubungan dengan itu, manusia akan menghadapi masalah serius kerana sumber alam yang diberikan oleh Allah S.W.T mengalami kemusnahan⁹. Oleh itu, pengurusan terhadap alam sekitar perlu diberi perhatian khusus bagi mengelakkan berlakunya kehabisan dan kemusnahan sumber alam seperti pembalakan haram, pembakaran hutan, pembangunan secara tidak terancang dan sebagainya. Al-Qardawi menjelaskan mengenai tuntutan fardu keatas kesemua umat Islam ialah tuntutan penjagaan alam sekitar dan perlu dilakukan secara bersungguh-sungguh (Yusuf al-Qardawi. 2001: 16)

Penciptaan manusia di muka bumi bertujuan menjalankan dua tugas utama yang telah ditakliffkan oleh Allah kepada mereka iaitu tugas pengabdian dan tugas pengimaran¹⁰.

⁸ (Surah Ar-Rum Ayat 41)

⁹ Jasiman Ahmad, (2003) Pencemaran Alam Sekitar, Kuala Lumpur: Jade GreenPublication Sdn Bhd

¹⁰ Mohd Nor Mamat (2002), Prinsip dan Etika Islam dalam Pemuliharaan Alam Sekitar, Jurnal Tasawwur Islam Vol. 5

ii. Isu-isu berkaitan pelancongan alam sekitar

Menurut keratan akhbar Berita Harian Online pada 25 Julai 2019 menjelaskan berkaitan pencemaran sungai Kim Kim yang berlaku di Johor Bharu, kes tersebut disebabkan pembuangan sisa kimia berbahaya oleh manusia yang tidak bertanggungjawab¹¹. Ia telah memberi kesan buruk terhadap masyarakat sekeliling malah telah mengancam nyawa individu yang berada di kawasan tersebut. Sehubungan dengan itu, maqasid syariah telah mengajar umat islam untuk memelihara nyawa setiap individu, masyarakat mahupun negara. Menurut rosmidzatul azila dalam karangannya menjelaskan satu kesalahan jenayah bagi perbuatan pembangunan yang boleh mengancam nyawa manusia dan perlu dikenakan tindakan undang-undang bagi menjaga keselamatan masyarakat sekeliling¹².

Tujuan pensyariaan sesuatu hukum secara asasnya bagi memelihara dan mewujudkan kemaslahatan manusia di dunia hingga ke akhirat. Dalam kaedah fiqh iaitu (al-fasad fi al-'ara) melakukan kerosakan di muka bumi ini adalah dianggap sebagai jenayah alam sekitar dan menjadi satu kesalahan. Justeru, pihak berkuasa bertanggungjawab seperti Jabatan Alam Sekitar untuk memerangi para penjenayah alam sekitar bagi menjamin kesejahteraan rakyat yang berlandaskan hukum syarak. Menurut undang-undang alam sekitar, syeksen 25 AKAS bagi kesalahan membuang bahan yang boleh mengotorkan ke dalam sungai dan ia membawa hukuman denda RM1000 atau lima tahun penjara atau kedua-duanya sekali jika sabit kesalahan¹³.

5. KESIMPULAN

Islam amat menekankan penjagaan alam sekitar bagi menjamin kesejahteraan manusia. Alam sekitar ialah anugerah Allah S.W.T kepada hambanya. Anugerah ini tidak seharusnya disia-siakan, dicemar dan dirosakkan. Di dalam al-Quran juga banyak ayat yang menyeru kepada umat manusia agar mentadbir dan menjaga alam sekitar. Ia merupakan tanggungjawab manusia untuk membangunkan dan memelihara alam ini kerana manusia adalah khalifah yang dilantik oleh Allah S.W.T di muka bumi ini.

¹¹ Berita Harian Online: <https://www.bharian.com.my/berita/nasional/2019/07/589045/akta-berkaitan-alam-sekitar-banyak-lompang>

¹² Rosmidzatul Azila Mat Yamin (2011), Pengurusan Alam Sekitar Dan Biodiversiti Dari Perspektif Islam. Kuala Lumpur: IKIM

¹³ Mohd Bakri Ishak, Azmi Sharom (2007), Undang-undang Alam Sekitar, Siri Perkembangan Undang-undang Di Malaysia, Jilid 8

Bagi memastikan pembangunan yang dilaksanakan lebih bermakna, Islam mengaitkannya dengan unsur-unsur keselamatan dan pemuliharaan terhadap lima perkara asas yang merupakan matlamat perundangan Islam. Justeru, pemeliharaan dan pembangunan itu sama sekali tidak dibenarkan jika ia ada kemungkinan boleh mendatangkan keselamatan agama, nyawa, akal, keturunan dan harta benda.

Akhir, sekiranya alam sekitar dapat dipelihara dengan baik, ia akan memberikan impak yang positif kepada sektor pelancong. Ini kerana, di negara Malaysia mempunyai banyak tempat-tempat yang menarik bagi yang ingin melihat keindahan alam semulajadi. Ia membuka peluang kepada pelancong dari luar negara untuk berkunjung di negara ini. Dengan itu, ekonomi dapat bertambah apabila ramai pelancong dari luar negara yang datang.

RUJUKAN

Rujukan Buku

- Al-Alim, Yusuf Hamid (1993). *Al-Maqasid al-'Ammah li al-Syariah al-Islamiyyah .Maghribi* : Dar al-Aman Berhad.
- Mohd Bakri Ishak, Azmi Sharom (2007), *Undang-undang Alam Sekitar*, Siri Perkembangan Undang-undang Di Malaysia, Jilid 8
- Jasiman Ahmad, (2003) *Pencemaran Alam Sekitar*, Kuala Lumpur: Jade GreenPublication Sdn Bhd
- Mohd Nor Mamat (2002), *Prinsip dan Etika Islam dalam Pemuliharaan Alam Sekitar* , Jurnal Tasawwur Islam Vol. 5
- Norhibah Hasan Zawawi (1999), *Konsep Islam Terhadap Pemuliharaan Alam Sekitar*, Kuala Lumpur: Percetakan Nasional Malaysia
- Norhibah Hasan Zawawi (1999), *Konsep Islam Terhadap Pemuliharaan Alam Sekitar*, Kuala Lumpur: Percetakan Nasional Malaysia Berhad.
- Yazid Saleh, Fauzilah Che Lah, Mazdi Marzuki, (2010), *Isu-isu Semasa Alam Sekitar Manusia Di Malaysia*, Perak: Percetakan Zainon Kassim
- Mohd Bakri Ishak, Azmi Sharom (2007), *Undang-undang Alam Sekitar*, Siri Perkembangan Undang-undang Di Malaysia, Jilid 8
- Rosmidzatul Azila Mat Yamin (2011), *Pengurusan Alam Sekitar Dan Biodiversiti Dari Perspektif Islam*. Kuala Lumpur: IKIM
- Hassan Bahrom, Mohammad Mahyuddin Khalid dan Mohd Ashrof Zaki Yaakob, 2010. *Pelancongan dari Perspektif Islam Analisis Pendekatan Fiqh. Prosiding Hospitaliti dan pelancongan dalam Islam*. Anjuran Universiti Teknologi mara Shah Alam

Rujukan Internet

- Berita Harian Online: <https://www.bharian.com.my/berita/nasional/2019/07/589045/akta-berkaitan-alam-sekitar-banyak-lompang>